

**N**estoreis dignum mors annis dura parentem,  
HANHARDUM abripuit sollicitum Medicum.  
At natum celsus clemensque favore benigno  
Prosequitur Genitor. Dotibus hinc animi  
Instruxit variis illum, pietatis amore  
Invictis humeris, queis onus omne ferat,  
Moribus & placidis, facili genio atque benigno,  
Ut moveat cunctos alliciatque animos.  
Blandisonis mulcere negem dictis: honos ipse,  
Doctoris Medici, quo radiat, loquitur,  
Quam pius & solers Medicam tractaverit artem,  
Virtutis rarae præmia larga ferens ::  
Salve igitur nobis, soboles dilecta parentis  
Olim dilecti, viva patris soboles ;  
Salve præclarus Doctor, vitaque perennii  
Gaude : Sic redeat raptus & ipse Pater..

*Ita summos in Medicina honores ex animo  
gratulatur.*

**JACOBUS MEIERUS, Vitoduranus;**  
Ecclesiastes atque Scholæ Rector..

**Q**uam meritò lauru frondente Hanhardē coronat,  
Doctoris titulo, te Basilea virens ?  
Hæc tua fert præstans illustria præmia virtus ;  
Hoc tandem exornat studia sacra decus..  
Sit felix faustumque, Tibi, doctissime Doctor  
Hoc diadema: tuæ sis Patriæque decus,  
Tristes Pœonia morbos feliciter arte:  
Pellens. Hæc multis sunt pia vota bonis.

*Sic vovet ex animo,*

**JOH. HENRICUS HEGNERUS,**  
Phil. & Med. D. Reip. Vitoduranus  
Poliater.

**E**st pomus felix, de cuius stipite poma  
Haud procul ulla ruunt, docet hæc Hanhardius ortus.  
Ortus